

Terms and Conditions

The Library provides access to digitized documents strictly for noncommercial educational, research and private purposes and makes no warranty with regard to their use for other purposes. Some of our collections are protected by copyright. Publication and/or broadcast in any form (including electronic) requires prior written permission from the Library.

Each copy of any part of this document must contain there Terms and Conditions. With the usage of the library's online system to access or download a digitized document you accept there Terms and Conditions.

Reproductions of material on the web site may not be made for or donated to other repositories, nor may be further reproduced without written permission from the Library

For reproduction requests and permissions, please contact us. If citing materials, please give proper attribution of the source.

Imprint:

Director: Mag. Renate Plöchl

Deputy director: Mag. Julian Sagmeister

Owner of medium: Oberösterreichische Landesbibliothek

Publisher: Oberösterreichische Landesbibliothek, 4021 Linz, Schillerplatz 2

Contact:

Email: [landesbibliothek\(at\)ooe.gv.at](mailto:landesbibliothek(at)ooe.gv.at)

Telephone: +43(732) 7720-53100

wir hörten seyn mit. Darumb ist kumen auff vns dy trübsal. Rubē einer von in. der sprach. Sagt ich euch denn nit. nicht wölt sunden wider das kind. vnd ir hörten mich nicht. Seht seyn blut wirt gesucht. wann sy westen mit das es ioseph verneme. Darumb das er redt zu in durch eyne dulmetzen. Vnd keret sich eyn wienig ab. vñ weynet. Vnd ombkeret sich vnd redt zu in. vñ nam symeon. vnd band in in ir gegenwurt. vnd schuf dē dienern das sy fülten ir seck mit trayd vnd wider legten das gelt yeglicher in ir seck vnd daruber geben in dy speys an dem wege Sy tetten also. vnd trugen die trayde auff die esel. vnd zugen hyn. Vnd eyner tett auff den sack in dem gasthauß oder schupfen das er gebütet dem vñ. vnd sah das gelt in dem mund des sackes. er sprach zu seynen brüder mir ist widergeben das gelt. seht es ist behabet in dem sack. Sye wurden erschrocken vnd betrubet. vñ sprachen zu eynander. Wann was ist dis. das vns got hat gethan. Vnd sy kame zu iacob ire vater in das land chanaan. vnd verküntten in alle ding die in was geschē. sagend. Der herr des landes redt zu vns herrtighen. vnd maynete wir weren speher der gegent Wir antwurten wir seyn frydsam vñ gedēcken keyner veyntschafft. wir seyn zwelff brüder geboren von eim vater. der eyn ist mit ob. der mynst ist bey vnserm vater in dem land chanaan. Er sprach zu vns Ich wil es also bewerren ob ir seyt frydsam. last ewern eyn bruder bey mir. vnd ir nempt dy notturfftigen speys in ewer herwer vnd geet hyn Vnd firt her zu mir ewern mynsten bruder. dz ich wisse das ir nit seyt speher. vnd mügt auch nemen disen der do wirt behabt in den banden vnd darnach so habt ir vrlaub zukuffen was ir wölt. Do sy dise ding hetten gesaget. vñ sinderlich ausschutten die getrayd. sy funden das gelt gebunden in dem mund der seck. sy erschracken all miteynander. vñ iacob der vater sprach Ir habt mich gemacht on sün. Joseph der ist nit vorhanden. symeon wirt behabt in den banden. beniamin werdent ir hynweg nemen. Alle dise vbeln ding seyn gefallen auff mich. Ruben der antwurt im. Ich hab zwen sün dy erschlah ob ich in dir nit herwider füre. Antwurt yn in meyn hand. vnd ich will dir in widergebē. Vñ er sprach mei sün soll nit abgeen mit euch. Sein bruder der ist todt. vñ er ist belibē alleyn. Ob im etwas widerwertigs geschē in dē land zu dē

ir geet. ir firt meyn alter mit schmerzen zu der helle.

Das .xliii. Capitel. wie
sie widerumb kamen in egipten. vnd wie sy beniamin mit yne brachten. vnd wie ioseph sy erlich lieh empfahen. vnd yne eyn wirtschafft machte.

Under des. der hunger
Bedrucket stettighlich alles das land vnd do sy hetten verzeret die speys. Dye sye hetten bracht von egipto. Jacob sprach zu seynen sünen. Kertwider vnd kaufst vns eyn wienig speys. Judas antwurt. Der mann hat vns verkündet vnder der bezeugnuß des aydes sagend. Ir seht nit mei anlütz newz ir firt her mit euch ewern mynsten bruder. Darub ob du wilt sendē in mit vns so geen wir miteynander. vñ kaufen dir die notturfftigē ding. Aber ob du nit wilt. wir geen mit. Wann der man als wir oft habē gesagē. der verkündet vns sagēd. Ir geseht nit mein anlütz on ewern minste bruder. Vñ israhel sprach zu in. Dis habt ir gethan zu meinem iamer. das ir im habt gesaget. das ir hettend eyn anderen bruder. Vnd sy antwurtē der mann fraget vns nach eynander nach vnserm geschlecht. ob der vater noch lebte. vnd ob wir hetten eyn bruder. Vnd wir antwurten yn gleich nach dē. das er fragt. Möcht wir den gewissen das er wurd sprechē. Firt her mit euch ewern iüngste bruder. Vnd iudas sprach zu seynem vater. Send dz kind mit vns. das wir geen vñ mügen lebē. das wir nit sterbē vñ vnser kinder. Ich empfah das kind. süche es von meyn hand. Ob ichs nit widerfüre. vnd dirs nit antwurt. ich wurd schuldig der sünde wider dich in eyner yeglichen zeyt. vnd hettest du vns nicht verzogen. wir weren yetzundt kumen zu dem anderen mal. Darumb israhel ir vater sprach zu in. Ist es denn also not. thut was ir wölt. Nemand in ewer vaf von den besten fruchten des landes. vnd bringt gaben dem man. ein wienig hartzes vnd honigs vnd latwergen